

蔡陽王襄敏公全集

信



黎陽王襄敏公集卷之四

巡按四川監察御史天雄赫

瀛登甫

選

四川布政司右叅議堯山王鳳竹允在

校

四川按察司副使郢上周嘉謨明鄉

校

四川提學副使新安曹樓世登

輯

富順縣知縣匡南但貴元仁甫

編

和三體五言律

送陸明府之時昭

江亭分袂處三疊欲銷魂樹隱雲邊路山明雨外村
一琴彈古縣五柳閑閑門政滿歸未日還期沐寵恩

南溪書齋

結屋臨溪口。幽深半掩門。移花引月窟。引水鑿雲根。
汀暖晴鳴鶴。林寒夜嘯猿。就中無箇事。展卷獨尋源。

泊楊子岸

故國三年別。孤舟萬里遙。寒生瓜步月。聲近海門潮。
雞犬迷村迳。魚鹽雜市橋。時清官不擾。處處足豐饒。

新秋寄樂天

天末涼飈動。俄驚序屬秋。淒聲聞葉落。疎影見螢流。
白髮尊前酒。青楓月下樓。何當一縮地。對酒共閑遊。

秋日送客至潛水驛

去國入千里。噫愁水一溪。看雲秋對酒。彈劍晝聞雞。

蘆白花連渚。楓丹葉滿畦。驪駒知繫驂。不住耳邊嘶。

得日觀東方

勝地蓬壺合。飛來白鶴雙。嵐光侵素練。草色映幽窓。
雲隱城邊樹。霞明郭外江。脫簪何日是。登賞醉銀缸。

止固晚眺

落日孤舟暮。江風撲袖涼。潮聲喧島嶼。鴉影亂帆樯。
歲月留人久。關河引恨長。倚蓬今望處。誰與話興亡。

送朱可之歸越中

孤舟纔解纜。况值鴈來初。涼影浮青靄。寒光浸碧虛。

山中新釀熟。客裏故人疎。江海如逢便。慙慙好寄書。
新安江行

一水奔流下舟行。未可稍憚清魚有穴。霜冷燕無巢。
遠浦波光積。平林樹影交。人生常歷覽。離別不須朝。
三月五日泛長沙湖

一鏡涵空闊。迢迢接遠壩。暖風薰屬玉。晴日亂蜻蛚。
綠瀉。舟中酒。青分水上。歸來天色暮。明月灤山亭。

送人入蜀

客路聽猿愁。憐君萬里遊。芙蓉紅映郭。楊柳綠遮樓。
山色連雲起。江聲觸峽流。行行天欲盡。回首滿綿州。

七里灘

天空萬籟沉。一逕晚陰陰。野戍雲邊屋。荒城月下砧。
鳥啼幽樹迥。花落古祠深。千載嚴陵趣。功名不繫心。

孤山寺

一逕遶孤岑。悠然物外心。湖光涵暝色。雲影結愁陰。
砌古莓苔滑。園荒草木深。下方塵世遠。烟火隔平林。

惠山寺

福地纖埃斷。迢迢一逕過。潭空魚影少。樹密鳥聲多。
古塔疑青鷲。荒臺漫綠莎。朝音聽演梵。歲稔復時和。
登瀟澗寺後二岩

叱石化羣羊仙都第一鄉黃柑能作酒紫朶可充糧
雲合山無骨花殘澗有香浮漠天不見渺渺去何長
送僧還南海

望海去無邊寒林咽暮蟬碧空雲外錫綠水岸頭舡
幻影淒淒月禪心湛湛天一燈傳不昧振後復光前

鄂北李生舍

結屋終南下軒窓四面虛閑情琴上曲樂意枕邊書
汲水烹煎香茗開雲種異蔬悠悠忘世慮此外更無餘

塞上

河水頻縈帶曾經幾盛衰黃沙污壞鏃白草沒殘碑

地迥風霜苦天寒鳥雀悲胡笳聞拍處一曲斷腸辭

寄永嘉崔道融

十載江湖上迢迢賦遠遊萍繁今夜雨菊老故園秋
逆旅心偏壯窮途思更幽相逢何日是役役尚淹留

泊靈溪館

旅夢青山外鄉心白鳥前雲深迷野屋浪淺閣漁舡
樹影和秋斷天光共水連此中來往客飄泊度流年

甘露寺

捫蘿臨絕頂寂靜已忘形水影無邊白山光不斷青
緩啼松外嶂鷺宿柳邊汀老衲峰龍處幽然一小庭

汀洲天欲暝，飢鵲噪啞啞。
白隱山前霧，紅蒸水上霞。
港深多蒨葦，沙淺半枯槎。
烟火漁村近，依稀八九家。

春日野望

縱日東郊外，微茫物色昏。
綠烟楊柳岸，紅雨杏花村。
野迥山無影，原荒燒有痕。
感時傷遠別，回首歎銷魂。

勝果寺

勝地浮埃斷，樓臺隔女蘿。
園紅花色重，路碧草痕多。
幻影雲生岫，禪心月浸波。
汀州人不見，一曲起漁歌。

靜林寺

勞勞塵世久，偶此寄吟蹤。
古塚翠毛翻，亂竹金粉落。
孤松老幼

鐸陰廊雨，翳鐘品能降鉢底龍。

秋夜同梁鍾文宴

良會逢今夕，開軒月上時。
人情歡有數，世路杳難期。
露冷螢流火，天空鵲遶枝。
榮華成底事，刻燭且裁詩。

望秦州

一碧迢迢去，縈紆帶遠峯。
唐碑蒼蘚合，漢寢白雲重。
灞水橋邊柳，驪山郭外松。
百年形勝地，對此興偏濃。

池上

高秋涼氣爽，物物見凋零。
影浸孤雲白，光澄一水清。

傍莎排宿鷺度竹亂流螢撫景耽詩酒醺醺醉未醒

西陵夜居

月影近寒汀蕭蕭靜掩局感時心自赤恨別眼誰青
露影竿竿竹秋光箇箇螢不堪歌枕處落木響空庭

旅遊傷春

好景留難住孤吟興未終離愁芳草外春恨落花中
山館鶻聲月河橋柳絮風殘紅殊可惜悵望倚樓東

春山

春山多勝聚匹馬獨行時過水天光動看花香氣隨
岩晴飛燕子谷暖語鶯兒自笑謀生拙還家未有期

送懷州共別駕

雲路快飛黃開花撲袖香一麾人遠迓百寶劍新裝
宿雨侵杯色秋風起鴈行行看勞勸課嘉穀兆禎祥

高宮谷贈鄭鄠

空谷多佳致停驂獨訪君淵明天有日林靜樹無雲
掃石調琴軫開窓放鶴群語來山色暮回首隔氤氳

山居即事

茅簷對竹扉一徑步斜暉樹密鳥聲雜苔荒人跡稀
炊烟蒸麥飯剪葉製荷衣寂寂黃昏後烏犍載月歸

題薦福寺衡岳禪師房

天際白雲還悠悠心共閑閑窓時放鶴倚杖日看山
石逕晴方掃柴門晝不關訪師吟罷後回首夕陽間
送史澤之長沙

洞庭南去遠天闊見晴雲十載同為客今朝獨送君
路從荆口斷江向岳陽分舟泊湘祠下猿聲處處聞

送裴侍御歸上都

荒城明堠火古戍急征聲水落楓前渡雲連竹外溪
綉衣紅炫彩駉馬碧翻蹄回首烟霞隔迢迢華岳西

過蕭關

一徑穿雲去迢迢萬里身盡知過關客已作棄繻人

嶺嶠鷄聲月河橋馬足塵此生閑不得後復向誰親
秋夜宿僧院

偶此禪房宿飄零未得歸水喧愁處枕雲濕卧時衣
月皎禪心寂天空幻影微勝遊難再遇起話莫相違
宿宣義池亭

寂歷水邊亭軒窓面面青竹高聞亂玉萍缺見殘星
觸石螢流火躡沙鷺刷翎就中閑嘯傲恍若在東溟
送殷堯藩遊山南

匹馬經秋經寒聲處處蛩青山雲外踏黃葉雨中峯
倦鳥栖危石強猿倚怪松可人今欲云載酒竟誰從

題李疑幽居

地僻纖埃斷高情類漆園草生迷石徑花落閉閑門
滯谷天無暇供厨菜有根就中多雅趣難與俗人言

金山寺

一水孤山外人家兩岸分天光搖鏡日波影浸曇雲
過槽妨僧夢驚潮厭客聞中冷如可汲煮茗破餘醺

商山早行

戍鼓催晨發飄零在異鄉冷披衣上月寒壓檐頭霜
衰草迷荒徑飢鳥噪毀墻行行天漸曙匹馬度橫塘

秋日送方干遊上元

六國繁華地迢迢踞幾程風高開葉落潮起覺舟行
瓜渡青連海鍾山翠入城探竒無攬勝應不負平生

寄陸睦州

一別睽違久思君費苦吟傳雲多入望流水少知音
旅夢飛南越鄉書隔上林重逢應有日不改舊寒心

與崔員外秋直

共直當秋禁窓虛見月過露華疑袖濕花影上樓多
宿鳥依瓊樹寒泉響玉河漏殘天欲白曙鼓雜晨珂

送東川李使君

行行欲暮天馬首聽啼鶻翠影山頭樹寒聲澗底泉

絃歌喧晚市禾黍蔽秋田蜀俗齊鄒魯應知刺史賢
送楊長史過果州

去去杳何許啣盃一問之囊城關盡處棧閣雨來時
山擁金牛驛雲連蜀相祠到官應得意敷政爾歲規
赴京途中遇雪

病骨寒生粟紛紛雪滿天過山迷遠岫積渚映平川
錯雜瓊為樹玲瓏玉作田行行京國近村舍起新烟

早行

襟袖涼如洗行行尚未明天空星有影林靜鳥無聲
薄霧衝人起危樓帶月橫東方看漸白回首隔孤城

宿荆溪館呈山義興

孤館堪流以繼到君暫長晚烟研絳蠟宿酒醉青州
野迤山當戶江空月滿樓明朝分手後清景可能留

漂母墓

馬鬣風霜古行行及暮秋王孫無復飯淮水只空流
地迥殘州斷天銷落木愁一盃香奠後作此記曾游

湖中開夜

酒醒風初起停梳傍水濱寒聲絃上曲涼影客中身
月皎未無夜花濃岸有春劃然長嘯處清世一閑人

陸渾山庄

物物恣開情遺安課犢耕園荒多鳥宿地僻少人行
雅趣耽詩酒清心薄利名蕭條空谷內倚杖看雲生
新年作

客裏驚新候孤吟倍慘然鄉心攢歲早梅信泄春先
潤物絲絲雨籠頭淡淡烟此身千萬里飄泊度流年
喜鮑禪師自龍山至

名山飛錫下積翠草芊芊鶴引雲間路龍降鉢底泉
情深爭識面別久不知年煮茗閑清話同叅王板禪

酬秦系

習隱歌空谷乘閑獨訪來雨中携鏡出雲外採芝回

瘦影翻秋鶴寒香破臘梅最憐高尚處移菊每親栽
送朱放賊退後往山陰

越水三千里行行理盡橈秋高揚子月日暮海門潮
攀磴尋芳屋開山種黍苗亂來同輩少回首各寥寥
尋南溪常道人隱居

宿雨驚初歇溪流沒舊痕鳥啼烟外樹花落水邊門
地僻因無俗潭空為有源可人家不遠相見欲何言
題元錄事所居

一室稱閑情苔花踏翠行酒因乘月醉詩為看雲生
橫槊時嚴士驅車暫出成就中無限樂襟韻有餘清

寄靈上一人

又悟三生理開軒傍竹林六窓俱有應一逕杳難尋
天遠雲陰薄潭空月影深就中塵不染已絕去來心

除夜宿石頭驛

石城天已暝此夕向誰親歲守初來客儻驅又住人
風塵千里道琴劍百年身爆竹聲喧處看看又是春

汝南別董校書

匹馬明朝別長亭杳靄間天清紅葉滿野迥白雲閑
旅思吟邊酒鄉愁夢裏山交情論未盡回首隔秦關

江上別張勸

畫舫停沙際行行及暮春情深難作別道重不憂貧
遠浦風生浪長橋雨浥塵楊花飄落處愁殺渡江人

送丘為落第歸江東

一蹶未為失還家正值春兩晴鶯舌巧風暖柳條新
楚水迷津客荆山抱玉人看花應再選經術動儒臣

岳州逢司空曙

浦口停官舫重逢樂有餘半尊今日酒一紙去年書
已覺交情密從教禮法疎自慙為客久彈鋏食無魚

洛陽早春

孤客慘離愁天涯惜倦遊青深千柳眼白盡幾人頭

日暖山明郭水消，水映樓閣洛陽春。漸好吟賞集同流。
送陸羽

種得先春草，叢叢遠屋生根。培烟外過茅，摘雨中行。
浮乳通神爽，凝香入夢清。一甌香毀罷，歌枕聽松聲。

贈喬尊師

偷飛燕採藥，路入白雲深。龍虎林間，鼎宮商石上琴。
開籠朝放鶴，舉手夜捫參。我欲尋師去，山房鎖碧陰。

谷中

花發去年枝，囊空欲典衣。思隨芳草下，合心逐故園歸。
野鳥衝人過，山雲傍竹飛。勞勞為世久，秋髮已依稀。

長安春

飛李占芳晨，香飄紫陌塵。江山環勝地，羅綺踏青人。
柳鞦韆絲綠，雨花明艷艷。春故園何處是，回首隔三秦。

題破山寺後院

一逕迢迢過，開窓見遠林。鳥聲風外盡，草色雨中深。
塵想俱忘跡，真如已會心。高山流水調，舉世少知音。

暮過山村

數椽茅屋小，幽迥絕比隣。溪近惟聞水，林深不見人。
殘霞明遠岫，新月上東秦。繫馬投荒店，孤燈自可親。

山中道士

九轉丹成後心清不改容東書傳去鶴彈劍倚孤松
霞彩雲中帔泉聲月下春此身空擾擾何日得相逢

贈山中日南僧

故國知何在迢迢隔海涯瓶雲盛澗月鉢水映曇花
掃葉因埋迳敲冰為煮茶禪心無住著隨處即成家

田家

地僻少人行村村布粟聲荷鋤和日去驅犢帶雲耕
池滿添春水林空透晚晴桑麻千畝頃來往絕逢迎

秦原早望

霞彩明仙掌平原首重回開花迷處心
霞彩明仙掌平原首重回開花迷處心

曙影紛紛動鴉群陣陣來此中流客久襟抱向誰開
雲陽館與韓升卿別

寂寂雲陽館寒燈隔遠川吟詩當此夕對酒話初年
影轉花前月光浮竹外烟明朝分手後莫惜鴈書傳

酬暢當

鄉國迢迢遠思君恨有餘啼後去日酒歸鴈到時書
客久黃金盡愁多白髮疎不知分袂後詩酒近何如

寄友人

病渴嘆相如寂寥獨遠居不知飛過鴈曾有寄來書
春酒浮香蟻寒燈剔蠹魚重逢何日是吟對夜窓虛

送喻坦之歸睦州

傾蓋即相知，還家夢亦隨。
岬花紅的的，江草綠離離。
別酒因風醒，征帆帶雨欹。
故鄉如見問，貧病已無為。

送李給事歸徐州觀省

索寞春將暮，飛花點客衣。
纔聞辭陛出，已得侍親歸。
斫鱸思調膳，吟風想浴沂。
山村月候火，處處逐征騑。

送溧水唐明府

楚水蘭舟發行行，及暮年脚盃罈。
一醉作宰嘆三遷，桃李城中市桑麻。
郭外田江南如見，月回首思悠然。

送王錄事赴虢州

長亭別故知，况值春時岸。
雨花飄錦池，風柳颺絲。
山環楊震宅，河遠禹王祠。
過此還須真，行行莫去遲。

別鄭蟻

彼此東西去，勞歌不忍聞。
閑花當馬落，遠樹入樓分。
百轉雙溪水，孤飛一鴈雲。
明朝江上宿，見月獨思君。

送韓司直

瓜口迢迢渡，扁舟放碧波。
有懷人去遠，無奈月明何。
水影連吳關，山光過越多。
耽詩因醉駕，時向酒樓過。

途中送權曙

客裏驚初別，迢迢去路長。
兩山排斷靄，一鳥下殘陽。

雅趣清於水滸名冷侶霜重逢何日是醉舞共淋浪
酬普選二上人

積葉掃霜林時彈石上琴山雲護幻影水月兩禪心
飛錫凌空遠浮杯渡海深耽詩俱得趣不斷往來吟

早春寄華下同志

千里思君切看花坐欲與窮通元有命離合苦難憑
物意濃於酒人情冷似冰相知如我問疲病自因仍

途中別孫璐

此日難為別何時得再逢關山俱遠道風雨各愁容
清影荒村木寒聲古戍鍾相思知後夜明月下孤峰

送鄭宥入蜀

棧閣經行處孤吟對夕陽寧親因問候衣錦獨還鄉
山色連雲疊猿聲入夜長劍門愁正絕回首樹行行

杭州郡齋南亭

推窓聊引望故國幾時歸霜冷殘花盡天清落木稀
水光當戶遠山色傍簷飛回首孤城晚滾滾露濕衣

日東病僧

萬里東瀛道何時促去舡門闌長閉日卧久不談禪
煖藥添新火焚香罷宿烟明當回首處松偃碧山前

送友人下第歸觀

萬里迢迢踏寧親喜獨歸津迷江上客絲戲膝前衣
細柳和烟折輕帆帶雨飛高堂稱慶處寸草報春暉
南游有感

芳草江南路重遊擁書輪眼有無舊主頭白有新
人細雨村村柳香風岬岸蘋客甲閑不得對酒惜殘
春送友及第歸浙東

龍門初選罷豪氣自凌雲別酒偏能飲勞歌不忍聞
舟從瓜步去江向越州分衣歸人爭羨吟詩獨贈君

春宮怨

孤館遲遲晝珠箔無捲亦慵香無題葉向空有捧心容
花落憂千種鶯啼思萬重羊車今不至開却綺芙蓉

辭崔尚書

馮驩彈缺去重謁在何年厚德身難報芳勳石可鐫
杏花村外路楊柳岬頭缸回首相思處西窓落日
下方

一逕穿花去絲紛雨絕塵耽詩吟入夜看竹坐凌晨
白眼輕浮世青樽屬散人劃然長嘯處高隱樂人真
華下送文浦

擾擾關門客憐君獨可親論交鄉誼重悵別柳條新
古廟雲封寢長河月近人音書如有便莫惜寄來頻

游東林寺

梵刹登臨日塵襟蕩滌時思隨青草合心與白雲期
石鼎茶烹雪松崖衲掛枝歸來天欲暮明月印方池
送僧還岳

龍孫脫錦棚煮茗作寒聲送爾繞過寺携屨便出城
禪心秋月朗幻影玉壺清回首無多路相期緩緩行

送人歸蜀

迢迢鄉國迥客路聽猿行馬向天邊去雲從樹杪生
峨山供翠色巴水送寒聲回首烟嵐隔應過白帝城
經周處士故居

一徑踏莎行重來憶舊情園荒迷樹影池古雜蛙聲
想像人何在憑闌恨獨生唯餘溪山水咽咽怨難平
送入歸山

千里鄉關道歸歟不較貧風雲幾去鳥琴劍一闌人
遠浦烟光暮空山草色春巢松忘世慮高隱托吟身
送友人歸宜春

綠酒尊壘滿紅亭車馬紛飛花當路落啼鳥隔江聞
湖闊天連水山高樹拂雲明宵孤館內見月每思君
秋月別王長史

客程今日別重會在何年暢飲紅亭酒豪吟白雪篇

兩山迷斷靄一鳥下殘烟落木秋風外思君倍黯然
汝濱別業

日出躬耕鑿宵歸寃典墳牛羊常作隊鳥雀自成群
細柳孤村雨鮮木萬頃雲于規啼血處清曉隔窓聞
宣州使院別常應物

公館分携後孤舟放碧波江聲驚夜枕霞彩炫寒戈
去國心偏壯思鄉夢亦多不知明夜月對此意如何
送陸潛夫迤陵尋友

訪友延陵去行吟嘆絕糧江城三面合野水一支長
細草凝烟濕閑花撲袖香孤舟看漸遠回首已斜陽
夏夜西亭即事

閑亭經夏夕風景自清和明月當軒出殘雲逐岫過
松陰孤榻滿竹影四簷多鈴語丁東起猶疑響佩珂
庭春

乳燕離巢後喃喃話別情簷牙乘日卧葭菼踏花行
細草池邊色和風樹底聲飛來何處蝶香撲綉簾輕
新春

斗柄橫東日山居遠市城風薰花欲動水破水初行
怯冷鶯簧細翻晴蝶板輕一元回萬物生意寐無聲
晚春答嚴少尹諸公見過

寂寂烟光暝村居駐晚車誰知清世客來訪野人家
促席同看劍啣盃共賞花何當能久住相與讀南華

送王正字山寺讀書

蘭若青山外隣君獨遠居茶烟秋徑鶴松火夜窓書
砌古殘花滿林空落木疎男兒當立志經訓即犁鋤

秋日過徐氏園林

一徑迢迢入空林隔暮烟低低村裏屋小小岸邊舡
綠重千林橘紅輕半沼蓮翻嗤塵世客苦為利名牽

灞東司馬郊園

灞水東頭路迢迢駐晚亭池晴喧暝鷗町熟送秋瓜

翠影窓前竹紅香屋後花一塵飛不到灞西勝仙家

下第寓居崇聖寺

去去絕絲華吟餘興最賒束書從寶地寄跡向僧家
璞玉難酬價芙蓉未看花老禪能款客番坐有茶瓜

寄山中高逸人

憶昔相過處高情實異常茶烹石上鼎雨聽竹邊房
草長侵衣潤花殘撲袖香就中閑嘯傲不識有炎涼

廬岳隱者

高隱廬山下幽居靜掩門携琴彈白晝招鶴舞黃昏
窓冷雲偏濕潭空雨不渾慙予羈宦輒浪跡半乾坤

寄司空圖

功行喜初成，瑤壇樹百靈。闌雲三尺劍，明月兩函經。
抱子猿依樹，梳翎鶴在庭。碧天吟嘯處，翹首看空青。

送成州程使君

行行出關去，壯節等終軍。文彩傾心慕，循良側耳聞。
桑麻村外雨，禾黍屋頭雲。政滿歸來日，還期謁聖君。

漢陽即事

漢水迢迢路，鄉關嘆久違。市紅知鱸玉，江綠見蒼衣。
芳渚群鷗立，寒汀一鴈飛。風濤誰得便，隱隱片帆歸。

酬劉負外見寄

記得冰恩時，才名動百司。封章陳雅論，操筆播新詞。
粉署吟偏好，彤庭出每逢。相思雲樹隔，何日會京師。

別至弘上人

故山何處是，去去樂閑居。來往如逢便，慇懃好可書。
穿林晴掃葉，汲水夜澆蔬。最愛茅堂下，能容一膝餘。

送王牧往吉州謁史

送子出芳洲，行行得勝遊。柳烟籠出馬，花雨濕征裘。
字水青還遠，文山翠欲流。相思凝望處，雲樹結離愁。

送章彝下第

泣玉荆山下，行行慘別心。鳥聲吟外盡，草色望中深。

客路分南浦鄉愁隔上林不堪回首處雲樹晚陰陰
空寂寺悼元上人

隻履西歸去蕭然一竹房草生今日泪花落舊時香
廢寢雲封榻閑階月轉廊寂寥人不見吟罷重堪傷

送曹椅

鄉關千里道去去欲何如別館吟邊酒行囊客裏書
天寒收澤鱗霜冷送江漁匹馬出城外蕭蕭古木疎

送金華王明府

淵明彭澤去地僻此心偏仁擬稱三異清惟選一錢
白蘋秋雨岸紅蓼夕陽天送別河橋上狂歌酒似泉

和張侍御酬馬尚書

楚楚當朝傑承恩入召時禮趨嚴百辟風論懾諸司
持節宣黃帑行春列彩旗帝心應簡在補袞日論思

送董卿赴台州

萬里江南道分携已出城征車花外發候火驛邊迎
古木村村影鷺潮岸岬聲到官應得意露冕勸農行

過香積寺

蘭若知何處迤邐入亂峯地偏惟見鶴林迥不聞鐘
露粉歌新竹寒花落古松老禪諳梵訣持鉢晝降龍

送友人別蜀中

張別情難盡臨岐強自吟
岩花晴綉錦石瀨晚鳴琴
敢謂之中遠還期布澤深
相思當後夜孤館月華臨

與諸子登峴山

迢迢山郭外祠宇已非今
訪古情難盡尋幽喜共臨
虛亭秋色滿斷碣泪痕深
千載人何在憑高一散襟

寄邢逸人

泉石迓名久紅塵事事違
池晴芳草合窓暝落花飛
詩錦雲霞爛盤飧筮蕨肥
遙思春社醉騎犢月中歸

吳明徹故壘

吳公臺上寺明月照禪心事
往人何在花殘恨獨深

屯營推宿莽鳥雀下山林
鍾磬冷冷處憑高嘔古今

送普門上人

派接源源水光傳焰焰燈
天花飄去錫野鶴迓歸僧
乞食春持鉢烹茶夜斲冰
到山珍重日鍾磬演宗乘

送樊兵曹謁潭州吉市大夫

關河千里道去去出咸秦
遠水明孤驛離愁慘別人
林光村外曉花影岸邊春
遙想相逢處論交氣味親

西郊蘭若

一逕開蘿處迢迢到上方
殘花鋪地滿修竹倚雲長
鐵撲燃燈火魚吞洗鉢香
無端塵俗慮都向坐來忘

送耿處士

迢迢山郭外，携手送君行。
別酒歌三疊，鄉心路幾程。
天清鷓鴣歎，下霜冷鴈初鳴。
愧我勞勞者，浮生繫薄名。
春喜友人至山舍

山館當春日，繁香花正開。
俄聞乾鵲噪，喜見故人來。
谷煖鶯鷓出，泥融燕子回。
情深歡會處，更漏莫相催。
龍翔喜胡權訪宿

攜手盡君歡，看花共倚闌。
鍾聲關殿早，月影近窓寒。
金鼎香初燼，銅壺漏未殘。
莫辭今夕話，江海會應難。

秋晚郊居

天末秋光老，閑情水竹村。
憎風時掃迳，留月夜開門。
柿葉飄紅影，苔花積翠痕。
寒蛩聲更切，一枕亂西園。
友人南遊不還

茫茫江海闊，別久向誰依。
芳草偏餘長，玉孫竟不歸。
日斜穉蠶集，天遠鴈空飛。
欲共鯨音耗，應知會面稀。
夜泊淮陰

浦口積寒烟，推蓬倦歎眠。
鄉心秋枕外，旅思夜燈前。
水滿人開閘，風高客繫船。
南來無北往，不斷自年年。
秋夜宿淮口

蓬底一燈青，維舟棹已停。
冷光搖岸月，寒影浸潭星。

戊拆鳴荒店漁歌隔遠汀明當河上發縱日望東溟
村行

行行趨晚晴客思苦難勝有酒思陶令無詩想杜陵
荒村臨水屋古戍隔江燈風土漁為業墻頭共掛罾

題甘露寺

甘露知名久經過一扣鍾空門愁獨步老衲喜相逢
海闊天連水林寒月在峯何當因結足持鉢夜降龍

秋夜獨坐

坐久思塵事滄桑幾變更窓明因月上砌響為蛩鳴
酒醒愁難遣詩吟寫未成浮名何日了役役度平生

秋夜汎舟

南湖水上舟風葉共颼颼野迥三更月天空萬籟秋
汀洲迷舊路詩酒破新愁蘭棹無勞蕩行行獨放流

春日卧病書懷

卧病經旬久蕭蕭髮半稀情隨芳草合心逐故園歸
遠客憐今別衰年悟昨非一春看歆過花事到薔薇

林館避暑

半畝蓮塘上花開藕似舡蟬鳴林韻合魚躍浪痕真
坐石心偏爽吟風思獨玄歸來天歆暮落日滿平田

栢梯寺懷舊僧

寂寞梵王居。閑過一小廬。庭荒空有鶴池。涸已無魚。
想像情難盡。離塵世已疎。重來人。不見遺却半窓書。

早春

千里家何在。離情倍昨朝。園晴花欲放。池暖凍初消。
杳杳鄉書絕。融融泚氣饒。賞心雖縱飲。牢落有誰招。

江行

一水無窮碧。悠悠浪接天。鳥聲汀外樹。牆影岸頭舡。
去國心如翼。思鄉日抵年。行行何處泊。斷港宿殘烟。

春日

孤館遲遲晝。琴書獨可親。最憐閑裏客。偏得靜中春。

花不能共興。陽和不論貧。村南與村北。生意自津津。

垂居長老

卓錫雲為屋。蕭然物外僧。禪心千里月。幻影一池冰。
乞食持春鉢。開窓識聖燈。遠公時見約。欲去愧無能。

送許棠

客久自年年。憐居倍慘然。離心江北樹。歸夢嶺南舡。
故國愁何在。餘生喜獨全。行行珍重日。負郭不求田。
穆陵關北。逢人歸漁陽。

萬里鄉關道。逢君泪不乾。閑雲增積恨。細雨釀輕寒。
地迥黃沙暗。川明白草殘。相思如見月。為我幾回看。

黎陽王集公集
卷之五
早行寄未放

孤館天特曙行行我獨悲
愁添鄉思苦霜點鬢毛衰
虎嘯林深處蛩吟月暗時
高山流水調何日會鍾期

陝州河亭陪常大夫眺望

青陰

高閣俯平津繁華兩岸春
日斜山倒影風軟水生鱗
芳草迷歸騎飛花撲去人
太行關路近回首隔烟塵

巴南舟中

大晚日初昏江流觸水喧
暝光烟外樹寒影月中村
筠遠書無鴈汀空燒有痕
自慙為客久飄泊向誰論
宿關西客舍寄嚴許二山人
時天寶高道舉微

關店人千里寒燈此夕秋
聞君天上召戒我客中愁
老去還膺薦時來可自由
最憐琴與鶴遺却在荒丘
夜宿龍吼灘思峨眉隱者

舟泊龍灘上寒聲岼岸聞
旅懷淒夜月波影亂秋雲
遠道淹吟客高情憶隱君
不堪長嘯處江浦散鷗群
南亭送鄭侍御還東臺

馬上綉衣香行行鉄面郎
柳風翻旆影花雨潤琴床
江海離心杳関山去路長
豺狼今遯跡無處避秋霜
南溪別業

若人抱高致結屋帶平疇
溪水清還遠林烟翠欲流

魚鯁時暫得禾黍歲全收
春草年年色相期
樂勝遊
泊舟盱眙

浦口維孤棹
天空夜氣清
殘燈明曉戍
落葉下秋城
月影村村照
砧聲岬岸鳴
異鄉千里外
淒切不堪情

江南旅懷

千里江南道
含情見柳條
暖隨春客舫
寒送暮江潮
歲月番人久
鄉關入望遙
市沽閑撥悶
吟倚夕陽橋

冬日野望

異國家何在
風烟泪莫收
天寒烏斂下
水合水難流
歲月因循度
江湖汗漫遊
衰顏與愁髮
落落倍離憂

早行

野店明如晝
蕭蕭襟袖涼
馬嘶千里入
踏五更霜
小徑穿林外
危橋閣岬傍
行行天欲曙
對此忽思鄉

逢瞞公

水月虛空相
論交喜暫來
佛書翻貝葉
爐火撥殘灰
煮茗忘形坐
降龍出定回
談玄花雨屐
清響徹三台

暮過山寺

匹馬經蕭寺
羈愁滿十分
樓明山外月
鐘擊隴頭雲
樹冷螢流火
天清鷓鴣群
上方禪榻近
僧語隔窓聞

懷永樂殷侍郎

河中殷侍御結屋傍山陰臺古風霜肅園荒草木深
殘烟迷遠道落日暗平林安得重相見開尊與共吟

常處士山居

逕迢迢過茅簷傍竹扉野晴紅錦熟池煖白魚肥
泉石陶情久軒裳入夢稀長安無限客塵上滿征衣
瀑布真上人院

日晚噪寒蟬山居積暝烟碑殘惟有字琴古半無絃
影滄松間露香分竹外泉慙予空擾擾結足在何年
送龍州樊使君

萬里龍州路冥冥烟霧深山峯迎去馬野燒隔平林
地遠官無法民豐豪有金相思明月夜愁聽幾猿吟
送人尉黔中

萬里黔南去行行近蜀巴峽明霞映水林淨雨催花
山鳥啼紅舌居民賣赤砂官閑無箇事對酒惜年華
道院

寂寂玄都境桐蘿一逕深花殘紅作陣竹密翠成林
院響鳴宵鐸堊堊噪晚禽鷺塵飛不到香霧靄沉沉
終南別業

若人輕利達結屋傍林隈地煖梅先得雲開鳥獨知
看花春醉日驅犢晚耕時擾擾浮名者此心安可欺

晚泊潯陽望廬峰

聞說匡廬好孤舟此日逢泉飛銀作浪林合翠為峰
古寺山無址名賢筆有蹤下房城郭近天晚動鐘
茶人

瑞草偏能識清癯帶鶴姿蒙山象絕頂毅雨採前期
路入雲林小蘿攀石磴危汲泉烹熟處此味少人知
尋陸羽不過

寂寂門閑閑愁生攘若麻六經堆淨几一犬卧
跨鶴先乘霧朝元未返家山窓梅樹古踈影自堪
軍中醉飲寄沈八劉叟

營門鼓角清設幕傍寒汀月冷人初坐風輕酒未醒
投壺成雅興舞劍當歌伶醉起闌登眺蒼波隔杳冥
題江陵臨沙驛樓

欲遣客中愁須登江上樓閑雲紅樹晚疎雨白蘋秋
景物供清翫閑山屬勝遊凭高吟不盡歸思滿滄洲
送耿山人遊湖南

瀟洒類閑僧南遊見採菱蒨花村外店楊柳岸頭罾
涼影迷秋鴈寒光見夜燈茫茫江海趣欲去愧無能
宿巴江

萬籟沉沉處孤高月滿弦飄零身似葉淒切夜如年

卷之三
卷之五
三十九
樹影分諸落猿聲共一天
櫓搖歡咲處應有過江船
送陳法師赴上元

一錫凌空去行行息萬緣
心融渾是法坐久不知年
鉢水擎秋月禪衣卧晚烟
名山回首處結足舊房前
送從弟歸河翔

千里鄉關道慙慙送子歸
離愁醒別酒霞彩上征衣
霜冷閑花盡秋高落木稀
但我寄莫遣鴈空飛

喜晴

積雨苦連旬今晨始霽
天空人共樂地迥物俱新
點點花明郭青青
一山潭似畫對酒賞芳晨

茅山

一逕過閑門青青草色分
黃楫成蟻酒白石化羊群
竹裏潺潺水花前淡淡雲
胎仙如許借相約訪元君

山中流泉

百尺飛空下曾稱瀑布名
穿林翻凍影觸石洒寒聲
侶練舒難捲如絃怨不平
小窓閑聽處一枕夢魂清
冷井

半畝新開處冷冷噴玉泉
發源深有本潤物浩無邊
鑿出雲根小陶成月樣
員耿恭求拜後不竭自年年
僧舍小池

流出自山根
苔花沒舊痕
影搖浮晚鉢
光動掬寒猿
湛湛因無滓
盈盈為有源
談經魚聽處
時見碧波翻

聞笛

關山明月夜
淒切不勝哀
北走胡奴去
南征馬援來
宮商憐我會
襟抱向誰開
一曲黃昏後
江成已落梅

感秋林

天末秋風冷
蕭蕭景物殊
葉飄山迳滿
枝宿野雲孤
亂影繁衰蔓
寒聲叫老烏
請看塵世事
即此見榮枯

杏花

紅染出牆梢
空澶伴寂寥
餘香熏雨晝
麗臉簇晴朝

蠟白輸梅萼
鶻黃讓柳條
半開蕪半落
春色滿林饒

孤鴈

湖水涵空闊
孤飛失所之
雨昏來杳杳
天遠去遲遲
見鶴猶鷺伴
聞鳶未可隨
春風看漸暖
北向更何疑

詠雨

密洒濕軒楹
虛堂思獨清
摧花埋古迳
落葉下孤城
點點頻添興
飄飄細作聲
客邊聽不寐
一枕故鄉情

和二體七言律

同題仙遊觀

十二闌干鎖畫樓，凭高一望夕陽收。
白羊眠處青山暮，黃鶴飛來碧樹秋。
蓬島不須爭覽勝，天台何必更尋幽。
紅塵隔斷清如許，瑤草琪花滿石丘。

和樂天早春見寄

澤國冰消淑氣和，滿前風景入詩歌。
柳含嫩色青還淺，梅點寒香白漸多。
天遠廬峯明瀑布，雨餘溇浦浩烟波。
別來無限相思意，悶倚闌干可柰何。

和趙相公登鶴雀樓

百尺層居勢插天，陰風獵獵背寒旃。
山河表裏歸今日，秦漢興亡憶昔年。
冒雨遠馳鳴古磧，拂雲高樹起平田。
憑闌不盡登臨興，滿目詩情白鴈前。

凌歌臺

迢迢三徑自縈回，宋祖南巡舊有臺。
往事已隨歌舞散，浮雲不盡古今來。
飢鳥愁聽林間叫，野菊愁看雨後開。
日暮憑高閑悵望，短筇吟處立蒼苔。

洛陽城

瓦礫成堆間白蒿，行人過此不辭勞。
殘雲漠漠龍旗杳，古樹依依雉堞高。
翠影暝看山隔岸，寒聲空聽水鳴濤。
繁華一去知何在，惟見春風醉小桃。

金陵懷古

一曲商歌怨未終，石城遙見倚層空。
殘花染恨埋迷徑，流水喧愁遶故宮。
六代繁華渾似夢，百年時序只如風。
不堪吟罷傷心處，滿耳鴉聲夕照中。

咸陽城東樓

憑闌一望集新愁，漢寢唐陵隔遠洲。
岐路十年常作客，關山千里獨登樓。
蕭蕭暮吹黃蘆晚，隱隱寒烟碧樹秋。
對此不須傷往事，長河東去古今流。

晚自東郭留一二遊侶

短策探雲出翠微
迢迢一迳步斜暉
林收霽色城邊下
鴉閃寒光天外歸
頗有濁醪勗晚景
敢邀吟客到柴扉
賞心莫惜今宵醉
明日關情事事違

題飛泉觀宿龍池

瀟洒珠宮法界寬
飛泉落處有龍蟠
漚波散盡秋風冷
劫火燒餘夜月寒
滾滾泛花分別澗
悠悠穿竹映空壇
由来勝地非常地
潤物年年自不乾

咸陽懷古

形勝天開王氣增
百年秦漢此中興
雨花的的明三輔
宿草離離蔽五陵
遠浦風恬來客舫
平沙月黑見漁燈
多情惟有禪宮在
鍾磬冷冷隔上層

黃陵廟

寂寂閑門楚竹邊
停舟一望思悠然
林花着雨分紅潤
江草凝烟亂碧芊
二女臺荒巢宿鷺
九疑山遠怨啼鶻
南巡無復來虞舜
鳳輦龍旗逐逝川

晚歇湘源縣

山村牢落厭聞鷄
訪古懷鄉恨不齊
十里汀洲楊柳沒
半江烟雨鷓鴣啼
舟中詩興吟偏好
郭裏鍾聲響漸低
惆悵湘靈無處覓
古宮春恨草悽悽

廢宅

一逕迢迢入毀垣寒雲猶為護
開門通厨有砌苔痕
滑葺圃無人草色昏
巖上每看蝸篆古
庭中時聽鳥聲喧
繁華畢竟成何事
風日依稀似野原

龍泉寺絕頂

半畝涓涓接寺門
憑高一榻坐凌晨
日光生處渾無
夜嵐氣浮來別有春
星斗依稀宮殿合
山河迢迢籠
恩均吟餘不敢恣
長嘯祇恐聲驚天上人

和賈至早朝大明宮二首

銅瓶漏滴促更籌
隨例趨朝擁翠裘
來沙軟
上地
來鳥
簾月明金殿見宸
如鶯聲
下細
逐簫聲
奏花氣
潛通露
氣浮暉主
祇今崇信史
彩毫香染運螭頭

又

香霧空濛露氣寒
曙樓鍾鼓隔雕闌
龍顏爭識遐荒
使天語先傳
近侍官金鎖
月明花影亂
碧梧風老葉
聲乾
抽毫欲奉無由得
始信人生際遇難

酬暢當嵩山尋麻衣道士見寄

三尺焦桐一局棋
嵩山去去暮秋時
菊當霜
逕花開
滿
楓倚寒林
葉下
逢石鼎烹茶
天在水
松壇吹笛
月生枝
呼後放鶴
紅塵外
留取香名
百世歸

別嚴士元

行行携手過吳城風景無端宿雨晴曉綠半江楊柳
色春紅萬樹杜鵑聲離懷盡付尊中酒鄉思難消客
裏情後夜維舟何處泊海門潮落暮雲生

送王季二少府貶潭峽

宦情離思日紛如千里憐君共遠居峽口荒涼神女
廟湘南迢遞賈生書山聲寂寂猿聲響水國茫茫鴈
影疎折柳不堪分袂處幾迴吟罷意躊躇

西塞山懷古

關山形勝壯南州泪洒西風恨未收三國交鋒來楚
尾六朝建業過吳頭悠悠往事名空在浩浩長江水

自流過此不勝增感慨古城高樹暮雲秋

早春五門西望

日晏朝回面向西暖絲晴颺綠楊堤微茫忽見城頭
樹彷彿猶聞禁裏鷄點點輕紅花未放纖纖嫩碧草
初齊多情最是深宮水流出人間易慘淒

錦瑟

悠悠一曲播朱絃清廟傳來不計年流水聲中悲過
鴈落花香裏怨啼鵑齊門夜冷閑秋月霜浦春深積
暝烟鏗爾莫云曾已合高風千古尚依然

江亭春霽

江流曲曲抱平田江草離離亂碧鮮
客路蒼茫愁對酒鄉山迢遠
厭聞鶯紅香暖逼花心日翠影晴牽
柳帶烟獨倚危闌遙望處不堪吟
罷重留連

送人之嶺南

送君去去入南州萬里關河足勝遊
客路雨晴啼越鳥仙壇花煖卧春牛
山明樹葉孤城曙海近潮陽一鑑秋
共說炎蒸多瘴癘不須吟詠重遲留

九月登仙臺呈劉明府

莫遣黃金浪集臺登仙一望暮雲開
采花有興因秋至送酒無人為我來
歌舞昔年水已散淒涼今日鳥

空田相知若肯成佳會對景何妨飲數盃

叢臺

趙武當年去不回閑雲猶為護層臺
碑文剝落人難讀殿趾荒涼鶴自來
芳草有情連路長野花無主上墻開
相逢若問從前事寂寂漳河水似苔

寒食

冷雨蕭蕭客路中關河飄泊嘆飛蓬
幾家村落寒無火十里川原春又風
山鳥蹴花愁寂寞野雲穿樹暗瞳矐
物情不趁詩情好羸馬驅馳更向東

隋宮

寂寂離宮護綵霞望中疑是野人家錦帆去後身無
托玉樹歌殘樂有涯廢寢露寒迷宿草毀垣烟暝怨
啼鴉繁華畢立成何事閑殺紅香片片花

馬嵬

萬里奎輿幸蜀州玉顏空向此中休埋香有骨留孤
塚破虜無人展一籌山館月明飛夜鶴野田莎暖卧
春牛不堪腸斷坡前樹葉葉悲風捲是愁

籌筆驛

揮筆曾聞向此書就中奔走樂徒存木牛流馬勞神
策羽扇綸中駐晚車帝業兩朝甘自立人才三國有

誰如英雄一去知何是落落後啼暮雨餘

聞歌

一曲樓頭發浩歌憑憑高身似在岷峨喚回旅夢三更
盡添起鷓鴣愁萬斛多清響每驚銜玉佩餘音忽聽遠
梁過年來往事傷心切歌枕無眠可柰何

茂陵

金莖移露滴松梢三尺淒然卧北郊留核可能未阿
母舞衣那得見雲翹空山夜月猿聲切芳草春風燕
語嬌惆悵精靈何處是古碑零落冷蕭蕭

早秋京口旅泊

楊子江頭暮艤舟，碧天空闊水東流。
烽烟未息營中虜，客鬢先驚葉裏秋。
驛路有時飛過檄，野田無處見耕牛。
亂來事事俱成夢，衰草斜陽總是愁。

晚次鄂州

維舟晚泊武昌城，萬里南遊跼幾程。
詩句每從閑裏得，鄉愁多向別來生。
漁燈影落菰浦遠，蚌月光含島嶼明。
欹枕不禁江上樹，夜深無數作秋聲。

赴武陵寒食次松滋渡

客裏清明兩日前，隔江時見蜀人船。
落花寂寂空啼鳥，冷雨瀟瀟已禁烟。
十載離愁飛故國，半簪華髮美

流年。殘春又過無能去，愧讀莊周第一篇。

鄂州寓巖澗宅

一迳迢迢入亂松，可人不見寐無蹤。
閑階夜月眠蕉蔭，小圃春風走舞龍。
沽酒未成今日醉，看花曾記昔時逢。
明朝又向江南去，愁絕孤城雨後鍾。

九日齊山登高

迢迢一迳白雲飛，老去登高力漸微。
詩為狂吟偏得趣，酒因酣飲却忘歸。
黃花咲折簪秋髮，紅葉愁看墮夕暉。
回首不堪天已暮，滿身清露濕人衣。

贈王尊師

數椽茅屋掩柴關，攀磴捫蘿杳靄間。
載酒無人尋晚徑，巢松有鶴怨秋山。
長鑿採藥雲邊去，短策看花雨後還。
多病自慙流落久，可能傳訣駐吾顏。

贈王山人

採芝時見去頻頻，應是桃源洞裏人。
計祿無心惟傲世，休糧有術自忘貧。
憐君雅趣耽泉石，愧我浮名繫
卯申。安得乘風開一咲，放歌同看武陵春。

湘中送友人

江上陰風捲宿烟，江頭新水荇田田。
半尊離思三湘酒，一片歸心萬里舡。
汀雨着花開更落，野雲穿樹斷

猶連男兒事業，須當做莫遣流光負少年。

元達上種藥

松邊茅屋竹邊籬，百木森森玉滿畦。
帶雨暝分紅甲重，舞風香墜綠枝低。
但求味性資人壽，不管袈裟污燕泥。
荷插歸來忘倦處，此心應與白雲齊。

黃鶴樓

昔年跨鶴八何在，過客來登江上樓。
簾捲斷雲春寂寂，窓含殘日思悠悠。
關鷗蕩漾明芳渚，古樹參差隔遠洲。
翹首漢陽凝望處，蕪葭零落不勝愁。

自蘇臺至望亭驛入家盡空

西風香送一洲蘋獨倚孤蓬
淚滿中客路干戈當此
日故園桑梓屬何人
茫茫澤國空啼鳥
寂寂村居靜
掩春莫向望亭重惆悵
蘇臺回首已成塵

與僧話舊

寂寂松關一徑微
故山回首話睽違
憐君泉石孤吟
久愧我星霜兩鬢歸
惠遠喜看今結社
昌黎曾記昔
留衣陶然對坐忘
機處目斷閑雲片片飛

長洲懷古

莫嘆昆明有劫灰
且從遺老問蘇臺
亡臣已見戎吳
去精騎先聞破越來
響簾廊室芳草長
化魚江暝野
鷺衰閑花不管當年事
一任東風處處開

煬帝行宮

閑門晝靜忽經過
往事悠悠可柰何
芳草嫩添朝雨
歇落花香盡曉風多
徒令鳳輦遊清夜
無復龍舟載
碧波惆悵宮前舊
時樹淒涼惟聽鳥聲歌

經故丁補闕郊居

結髮先朝節義全
亭亭松柏自貞堅
堦連芳草春如
剪門掩閑雲日似年
採蕨空懷林下路
釣魚不上水
邊缸多情惟有南村牧
一曲歌殘月滿天

贈蕭兵曹

送君南去樂安居泉石悠悠思有餘霜冷山園收野
橘雨晴潭水看鱗魚幽栖自覺逢人少壯志應知與
世踈回首北窓高卧處薰風一枕夢何如

酬張芬救後見寄

京華一紙寄來書為報天恩下玉除
圖罔已隨今日盡幷幪又得此生餘
松雲半榻尋高卧茅屋三間認
故居回首感君詩見贈不妨多病類相如

答竇拾遺卧病見寄

閑居寂寞身多病坐起支頤眼欲花
囊裏無金醫白髮床頭有匣貯青蛇
三田未吸元來氣一粒難尋久

煉砂別後詩成應見贈不妨頻寄野人家

寄樂天

江湖飄泊百年身往事驚心跡已陳
對月未傾花下酒折梅先寄隴頭人
閑雲漠漠孤城暮芳草萋萋兩岸春
翹首關山千萬里不堪吟罷獨傷神

秋居病中

車馬門無已絕交商飈時聽起林梢
百年老景駸駸入一片閑情事事拋
卧又不知霜點鬢秋深方覺燕
辭巢成家喜有諸兒在洞口鋤雲自束茅

送崔約下第揚州

江館風輕酒力微，市橋烟淡柳依稀。
初疑楚水迷津去，又訝荆山抱玉歸。
日落長亭孤鳥沒，天連極浦片帆飛。
還家喜有雙親在，五色晴霞製舞衣。

旅館書懷

天末風高捲宿烟，故山回首思無邊。
懸梁不作三刀夢，負郭空遺二頃田。
暮影重重迷遠樹，寒聲咽咽送秋蟬。
關心多少身前事，牢落於今倍黯然。

穎州客舍

千里江湖事勝遊，每將詩酒共賡酬。
主猶見客生青眼，老不饒人要白頭。
去國思隨山北拱，懷鄉心逐水

東流吟餘况

後一枕寒更出郡樓

春日長

行行無事跡，青未涉沙漠窮陰。
喜暫開馬首，忽看雲影盡客邊。
時聽鶯聲哀，幾家蕙幕香。
花酒十里川原，蘆葉灰欲挽東君，
若無處覓不堪吟罷，只空回。

江祭

客帆一片落疎烟，况值中流欲暮天。
江上詩情真卓爾，人間歸思自悠然。
碧波占斷來孤鴈，斜日吟餘響亂蟬。
回首故園千萬里，不堪飄泊在湘川。

中年

官居閑倚夕陽天，弄老俄驚百半年。知命直須如孔
聖，生兒何必似孫權。空庭曉滅風前木，故里秋荒雨
後田。却憶從先行樂處，幾人花底玉駝懸。

秋日東郊

村居寂寂斷浮埃，百六秋香遠屋栽。紅葉聲乾霜已
下，碧天涼盡鴈初來。正扶有氣從誰論，祿抱無人為
我開。喜得隣翁時見訪，不妨吟笑共徘徊。

過乘如禪師蕭居士嵩山蘭若

道人_{不識}孔方兄，_{那虎崖前}立曉晴。積水天空雲有
影，落花林靜鳥無聲。萋萋草色關門合，漠漠嵐光古
樹平。欲向此中留信宿，火茶同坐話浮生。

送友人遊江南

煖風晴日柳條新，駐馬啣杯立要津。芳草又生離別
地，征帆不斷往來人。潮通鐵甕孤城晚，舟入錢塘兩
岸春。回首故園何處是，一輪明月照西秦。

送別友人

與君終日共尋芝，正值東風二月時。對酒每驚花落
盡，捲簾常覺燕歸遲。茶烹_以口水分幽澗，後曳枯藤過
別枝。惆悵不堪離此地，明朝相憶有誰知。

嶺南道中

瘴嶺繁廼望欲迷迢迢一徑入東溪珠明絕島光含
日虎過荒村跡印泥椰子樹中春釀酒乳蕉花裏畫
聞鷄故園牢落知何是愁殺竹鳥夜夜啼

臨起

老去霜華點髮深日光纔得一吸重陰扶筇竹下思閑
坐閣筆花前廢苦吟暮景不計世悲節序秋聲又喜到
園林多情惟有南鄰客載酒時時為我尋

送李錄事赴饒州

隱隱紅亭車馬紛勞歌唱徹不堪聞天連極浦鴉翻
日水滿長湖鴈叫雲酒醒離關愁遠吟詩成風月喜

平分懸知別後當深夜冷雨空齋獨憶君

清明日與友人遊玉塘庄

不作人間索米郎且乘春興度年光烏翻新白衝舡
過花點殘紅撲袖香漠漠閑雲依遠樹萋萋芳草蔽
橫塘男兒自古須行樂莫道虛名卧首陽

宿淮浦寄司空曙

画角城頭起百憂故人無復更同遊寒聲近岸潮喧
枕涼影侵窓月滿舟古戍天清知露下孤村葉盡見
黃流何當晚却樊籠去携酒閑登江上樓
尋郭道士不遇

携琴此日覓仙蹤
窈窕柴關嘆未逢
空有泉聲鳴古澗
杳無棋局對長松
白羊洞口迷秋草
紅木山中罷晚春
翹首蓬壺天萬里
不知騎鶴竟誰從

早秋寄天竺靈隱寺

蕭蕭木落碧秋天
竺名高遍九州
十里孤雲晴見鶴
半窓殘月夜聞猴
翻紅露濕松間座
煮茗烟分竹外樓
何日相過臨絕頂
短筇隨處恣閑遊

題宣州開元寺水閣

畫圖一幅現遙空
滿目詩情處處同
六代繁華啼鳥外
百年時序落花中
長汀暝積蒼鷗雨
遠浦涼分白

蕩風回首下古城
郭近淡雲高木隔
江東

長安秋夕

長懷歲月去如流
屈指都門又一秋
闌杆響連城外
拆水螢光照驛邊
樓何時得遂陶潛興
此夕難禁宋玉愁
睡起不堪成獨嘯
半生牢落坐書囚

宿山寺

鍾磬泠泠響漸微
竹籬茅舍半依稀
三更禪榻雲中
卧萬里家山夢裏歸
月影到窓僧未定
秋聲著樹葉先飛
吟餘起傍寒風嘯
清露何妨濕我衣

題永城驛

囊裏無金事事違半生飄泊少人知故鄉歸去當何
日此地重來憶舊時宿草離襟迷廢寢碑文剥落載
亡隋伊誰目下吹簫笛一曲高歌播美詞

慈恩偶作

周妻何肉苦營營結足年來愧未能鴈塔遙看思獨
步旅懷難遣試先登層層風度惟鳴鐸面面開窓不
見僧回首下方毛髮竦此心渾似躡春冰

都城蕭員外寄海棠花

安得形骸類脫蟬朗吟飛去伴坡仙洗粧不較春濃
淡遣興須憑酒聖賢紅粉膩添西子黛彩毫香染薛

濤箋分明一種天然態寄與東風莫浪傳

陳林墓

西風駐馬讀碑文宿草寒烟數尺墳發矢有言能悟
主愈頭無檄更逢君雨花泪濕纖纖雨古木愁生淡
淡雲日暮空山後鶴如心羽書猶似督行軍

鸚鵡州眺望

漠漠春烟慘不開望中時聽鳥聲哀閑花似惜娛賓
憶芳草如憐作賦才歲月蒼茫人已去關山迢遞我
重來吟餘醉倚官舡上訪古懷鄉日幾迴

繡嶺宮

迢迢路入碧山陰
臺殿玲瓏擁碎金
千里塞輿忘暑地
百年姚相歿君心
窓含落日殘花滿
門鎖閑雲古木深
惟有蟾光今不改
多情常為照孤岑

春山道士寄孟侍御

十年飄泊孤琴在
千里驅馳一騎行
山菓落金惟見影
社鷓啼血自呼名
竹籬才舍村村樂
野水溪田處處耕
寄語同時駉馬客
百壺那得酒頻傾

早春歸整屋寄耿滯李端

矮屋踈籬一逕分
十年飄泊嘆離群
門前又見新桃李
架上猶存舊典墳
山壠鑿成將握玉
石田荒處已

鋤雲別業無柰傷心切
月落西窓正憶君

松滋渡望峽中

異鄉零落見殘梅
山入荆門次第來
雪水漲時銀作浪
渚田燒處荻飛灰
客舡迂向黃牛出
驛路遙經白馬回
安得多才如宋玉
浩歌同上楚王臺

春日閑坐

寂寂村居雨乍晴
俯觀生意自流行
侵階影到花無語
落紙泥香燕有情
惹起閒情庭草色
洗清俗慮澗泉聲
看春款覓驚人句
幾度推敲愧未成

晏安寺

一逕迢迢過上方上方樓閣倚斜陽
寒香覆地殘花白亂影攢空古木蒼
石壁掃雲開梵剎野橋分水到僧房
公餘偶此開登眺世事何須底用忙

館娃宮

蘇臺一望鎖陰霾
寂寂離宮俯斷崖
庭草着風牽翠帶
野花泥露濕金釵
香魂已逐浮雲散
艷骨終歸后土埋
自古興亡皆有數
不須吟眺為傷懷

方干隱居

門前車馬寂無聲
溪上寒泉洗耳清
載酒野人常問字
催耕山鳥自呼名
落花片片供吟興
芳草萋萋經隱情
最愛晚來忘倦處
倚筇閑看白雲生

酬李端病中見寄

村居寂寂晝陰陰
迳屋松筠積翠深
但得陽和回腐朽
不妨遺逸在山林
半窓明月吟邊趣
一枕清風物外心
愧我前來驚幾許
抱琴何日遠相尋

贈道士

羨君家住上方壺
翠葉垂垂夾道榆
雲裏乘槎來絕島
月中鳴珮上清都
斲殘白木龍三尺
點盡黃金火一爐
何日相過閑嘯傲
碧空深處話虛無

送劉谷

卷之四
寂寂長亭宿雨晴客懷偏覺嫩寒輕
觥酒酌流霞
影錦軸詩翻白雪聲浦口風烟嗟
獨去馬頭旌旆喜
相迎懸知一寸丹心壯回首紅雲望帝城

江上逢王將軍

堂堂忠節漢蘇郎
褒寵年來沐聖皇
烟柳翠含宮錦色
雨花紅送馬蹄香
旌旗影裏人如玉
鼓角聲中劍似霜
此日歸來心上赤
兵符書篋老汾陽

和友日休酬茅山廣文

多君和氣藹春陽
高隱名山結草堂
點濕烹茶時汲澗
泉香芝田跨鶴風生袖

研松露

吹簫月

滿床笑指蠟堯三度熟
五雲深處面虛皇

蒲津河亭

萬頃秋波一鏡澄
好懷都向望中興
機能見作輸張翰
詩不成名想杜陵
故國迢迢憐我別
畫闌曲曲為誰凭
吟餘回首秦關道
衰草斜陽恨不勝

感懷

秋思難禁宋玉悲
欲將心事付伊誰
異鄉有恨蛩吟切
故國無書鴈到遲
撫景不須懷往事
抽毫端可播新詞
西風吹得蓴鱸美
何日東吳是去時

石門春暮

黍陽王襄公集卷之四
谷口陰陰釀晚寒，雨聲來處雜溪湍。
落花片片香初盡，芳草萋萋夢已闌。
逸興喜從詩裏得，衰顏愁向鏡中看。
東君不住拋人去，怨殺鶻啼月滿澶。

酬慈恩文郁上人

一室無諠事事清，幽閑喜得背孤城。
黑雲暗處降龍坐，紅樹明邊掃葉行。
覺吐如曉登山寺，遠慈航夜渡海波平。
何時再謁叢林下，共說興亡過此生。

江亭秋霽

西風江郭柳條疎，霽景新開宿雨餘。
半畝晴光梧落後，一天涼影鴈來初。
飄零自嘆他鄉客，消息誰傳故

國書何日草堂尋，舊隱百花潭上坐觀魚。

漢南春望

百年多難此登臺，春色撩人日幾回。
宿草離離和露長，閑花灼灼向陽開。
情疎故舊緣多病，身落江湖愧不才。
獨倚闌干吟眺處，滿前風景送詩來。

春夕旅懷

欲把詩情縱賞情，酒兵無力破愁城。
悠悠鄉夢八千里，寂寂梨花二月二。
更鼓轉亭臺，知漏盡香消簾幕覺。
風生不妨貧病身，為客已喜年來息戰爭。

長陵

天下總羸又屬劉威加海內
服諸侯當年膽氣劍三尺
此日衣冠上一丘
往事共嗟花委地
寒巖獨薦盈杯怪來昨夜
猿聲切月在高峯最上頭

咸陽

千里關河獨上樓
凭闌一望集新愁
嵐光著樹青如染
草色撩人翠欲流
行殿有花蜂亂彩
寢園無主鹿閑遊
年來自嘆長為客
安得常何薦馬周

過九原飲馬泉

一畝清冷積暝烟
冷光秋色類廉泉
一泓滾滾浮寒玉
萬頃悠悠浸碧天
鷗鳥浴時涼雨後
龍媒飲處晚風前
也知有本流無盡
潤物由來不計年

欲到西陵寄王行

空江寂寂思無聊
舟入西陵路轉遙
春渚共牽漁父網
夕陽齊唱女郎桡
閑雲裊樹迷前浦
流水浮花出小橋
回首故人何處是
暝烟殘夜送歸潮

洗竹

洗屋侵籬百本餘
惡竿應斬教空疎
枝枝不礙烟籠玉
葉葉何須柳貫魚
半畝風生秋榻冷
三更月上夜窓虛
非關出筍穿苔破
應怪繁聲攪讀書

惜花

園林索寞恨，紅紫墮白飄。紅一逕深，不是陽春非作主。只因風雨苦相侵，人間涼熱知時態。眼底榮枯見物心，欲買韶光無處覓。河橋愁對綠陰陰。

崔少府池鷺

兩兩風飄下習池，青山點破雪衣垂。捕魚行處忙無暇，冒雨飛來濕不知。蘋藻掠開爭浴後，菰蒲叫入避人時。就中一片閑田地，飲啄從教處處宜。

鷓鴣

湖南草色綠雲齊，作對飛來類竹鷄。冒雨遠從江上過，向人常傍耳邊啼。湘潭近，鳧應斷，湘浦祠深影漸低。回首故山行不得，岸花燃處夕陽西。

緋桃

曾向瑤池作近鄰，靈丹偷得面生春。雨中凝暈迷歌扇，風外傳香襲醉巾。默默倚牆甘不語，纖纖當路欲開唇。劉郎去後無消息，閑殺玄都觀裏人。

牡丹二首

魏紫姚黃艷艷花，東風開遍鬪繁奢。誰將天上神仙質，粧點人間富貴家。一幄煖香酣曉露，半庭春色爛晴霞。芳尊有酒須當醉，莫遣吟情負歲華。

又

衆芳搖落正相因，占斷豪華家。三月春萬斛，天香頗送
酒十分。嬌態欲欺人，一殘西子添新睡。浴罷明妃絕
點塵，對此直須吟共尚。且莫教虛負百年春。

梅花

寂寂溪山抱遠村，凌寒幾樹正開繁。冰肌綽約清無
俗，素袂輕盈默不言。如粉莫教吹短笛，洗粧直欲到
芳尊。師雄曾有羅浮夢，一枕厭厭睡正昏。

和三體七言絕句

宿石邑山中

空山上與白雲齊，回首平原路歎迷。秋思不堪涼信
水一輪，明月畫樓西。

贈張十牛

閑遊去去入誰家，玉勒雕鞍控紫騮。百草平原春似
海，舞風一劍落銀花。

華清宮

翠輦行春路幾程，三郎浴處水偏清。誰知一曲霓裳
調散作漁陽，鼙鼓聲。

宮詞

寂寂闌門思萬重
月明如水浸芙蓉
羊車不為鹽標
幸空使蛾眉候
袞龍

吳姬

羅綺叢中舊有名
春風一曲靚粧明
罽塵不到珠簾
隔
羞對菱花太瘦生

歸鴈

萬里迢迢直北回
夕陽明處水如苔
江南地煖能容
物底事年年去復來

逢賈島

袖拂紅香片片花
馬頭一望夕陽斜
耽詩更作推敲
勢吟入長安第幾家

江南春

桃花片片落殘紅
楊柳絲絲翠館風
白暮酒醒開眺
處綺羅撩亂畫圖中

別李浦之京

長安去去入關西
眼底晴雲望欲迷
可恠流鶯知別
意一雙飛上綠楊啼

題崔處士林亭

一涸分出自西隣
流水純花絕點塵
傳語漁郎休浪

入此中元有避秦人

楓橋夜泊

寒寂江風白鳥天
銀缸剔盡未成眠
異鄉今夜人千里
水影搖空月滿缸

贈殷亮

山口浮嵐翠欲流
商飈颯颯暮天秋
欲知別後相思處
月在青松最上頭

湘南即事

江湖飄泊鬢毛衰
痛飲無人作我師
試倚蓬窓閑縱目
岸花汀草夕陽時

送齊山人

偃蹇虬髯十八公
結茅深處養高風
碧空不動秋雲外
一鶴飛來月正中

送元史君自楚移越

纒出淮陰又若耶
解鞍今夕向誰家
擔頭挑處無餘物
倒插寒梅四五花

竹枝詞

翠羽垂垂帶露低
含情猶似數行啼
誰知一曲傷心調
化作春流泓碧溪

香山雜憶子規

香山雜憶子規

楚山花落半依稀，寂寞春愁
雨濕衣。客裏不堪明月
夜，一聲啼破夢魂飛。

長慶春

江湖飄泊老風烟，屈指俄驚
下百年。何日滄浪尋舊
隱，釣舡春雨看鷗眠。

言詞二首

三千羅綺共推名，一曲霓裳
七月行。鳳輦不來春寂
寂，牡丹花底夜調笙。

又

香霧空濛隱綉屏，隔簾無
數語。秋螢寒與近日巡遊

少空使蛾眉兩鬢星

城西訪友人別墅

迢迢西郭夕陽斜，流水閑雲
處士家。隔斷紅塵人不

到，門前一樹碧桃花。

貴池縣亭子

池陽江上數層臺，雨霽軒窗
面面開。日暮空亭人不
見，幾多花片鳥啣來。

送隱者

北窓一枕髮飄蕭，聽漏無勞
肅早朝。為笑幾多名利
客，稅關用盡不相饒。

送宋處士歸山

衡門去去足栖遲
笑撚松花第一枝
俗客不來深院
悄滿窓雲影坐彈碁

秋思

蕭蕭木落碧山秋
飄泊年來惜倦遊
回首故園成遠
夢一輪明月楚江頭

黃陵廟

路入黃陵湘水春
古碑無字草痕新
鷓鴣啼落班班
雨疑是當年墮泪人

贈彈箏人

憶昔慇懃奉上皇
霓裳一曲動諸王
于今絃斷無人
續贏得紅綃數十行

韋曲

風塵飄泊嘆非才
客裏看花雨更摧
多少貴家今寂
寞寒香惟見數枝梅

曲江春望

十里晴光炫彩霞
望中桃李鬪繁華
五陵豪傑知何
處閑殺紅香樹樹花

鄴宮

寂寂閑門不見人
碧苑花發又逢春
最憐魏卞封王

日牢落于今泪滿巾

關鄉卜居

雙袖翩翩出省關故山遙指白雲歸
誅茅結屋長松下塵土無由上我衣

允溪道中

迢迢一逕入雲斜流水柴門入亂鴉
傍晚避人飛不定數聲啼老白桐花

丹陽送常參軍

西風江上木闌舟楓葉飛花瑟瑟秋
到後天涯如見月不堪回首思悠悠

寒食

春陰漠漠暗梨花村巷無烟暮景斜
燕子不來情況惡一窓風雨野人家

上陽宮

行人過此駐纖離寂寞無臺事可疑
武后歿來巡幸少數聲啼鳥隔花枝

贈楊煉師

幾年高卧碧山雲玉匣藏來盡秘文
喚取胎仙騎上去月明深夜禮元君

和孫明府懷舊山

寂寂長松舊隱山
數椽茅屋白雲間
宦遊未遂還家
樂閑却秋風四五鷓

贈日東鑿禪師

浮杯萬里駕寒潮
手撚楊枝碧玉條
別後相思不相
見一天明月夜寥寥

旅懷

客裏風烟泪未收
此生無處訴窮愁
相逢莫訝耽詩
酒老不饒人要白頭

寄別宋拾遺

聞說徵書召賈生
風流文雅羨多能
長安到日春如

海豪氣應知壓五陵

題張道士山居

幾度朝元未返家
山中開盡碧桃花
閉門寂寂無人
到一鶴飛來點暮霞

寄李勃

桃李片片落殘紅
一枕春愁破曉鍾
翹首天涯相憶
處白雲無數隔遙峯

南庄春晚

桃花浪暖拍漁舟
烟草離離共一丘
可恨東君畱不
住數聲啼鳥送新愁

長溪秋思

歲月無情去似流，秋風吹雪上人頭。
長溪溪畔潺潺水，一枕寒聲送客愁。

隋宮

宿草寒烟一迳斜，川原漠漠暗風沙。
繁華散盡知何是，惟見青帘賣酒家。

綺岫宮

歌舞當年事已空，落花依舊滿離宮。
東君莫道長為主，千古繁華一夕風。

送三藏歸西域

上人飛錫山中去，一鉢涵秋獨卧龍。
回首長安凝望處，暝烟殘月隔疎鍾。

長信秋詞

愁鎖眉尖掃不開，綺窓深處獨徘徊。
無端怪殺開花影，移得西廂夜月來。

吳城覽古

百雉層城接遠空，水流花落泛殘紅。
玉顏何處埋香骨，春草依然滿故宮。

江南意

漠漠輕烟起綠蘋，相思不見獨傷神。
桃夭杏艷知無

限一種春愁泥殺人

閨情

千里家山未得歸何人江上片帆飛杜鵑啼落班班
雨添幾春愁濕我衣

曲江春草

遠徑成蹊暗綠烟曲江江上斷猶連烏犍牧罷當晴
日十里柔香取次眠

山路見花

漠漠紅香帶露新數枝相對泣殘春遊人過處偏能
惜一點芳心不受塵

逢入京使

關河迢遞思漫漫客裏絨書里未乾此去梅花消息
好一枝春色滿長安

送客之上黨

快騎翩翩柳外嘶故園回首唱銅鞮春風二月濃如
酒一簇雕胡萬葉齊

病中遣妓

急管清絲列滿前解貂長共酒家眠病來識得從前
錯不使春心損暮年

華清宮

鳳輦巡遊即當家春風開遍碧桃花于今都作田
地好學青門人種瓜

宣州開元寺

陰陰萬木足幽栖日暮鐘聲響漸低惆悵寺前流水
過源源一派接曹溪

山行

洞口雲深日易斜行行寧忍不思家天風一夜吹群
木落盡殘紅片片花

寄山僧

寂寂山中無箇事了經長與月明期落花亂處埋香

膝萬境俱空入定時

寄人

花底論心舊有情多愁無奈別來生不堪腸斷春歸
盡一枕鶻聲聒到明

過南鄰花園

尋春常欲過鄰家縱酒耽詩感物華自恨不如蜂與
蝶年年長得近名花

宮詞

花影侵階靜掩門多情誰得荷君恩香風不動珠簾
隔一枕厭厭睡正昏

漢江

春去秋來鴈鴈飛遠光寒碧浸苔衣就中儘有閑風
月多少遊人忘却歸

寄維揚故人

故人不見思蕭條萬里維揚去路違別後玉簫清似
水數聲吹斷綠楊橋

送友人之上都

眼底門花日漸稀傷心無奈又春歸送君多少相思
川都入長安作雨飛

山中

路轉崖廻望欲迷落花流水夕陽西就中寂寂無人
到只聽猿吟與鳥啼

酬曹侍卽過象縣見寄

韶華忽忽去如流十載浮名劔刻舟欲倒一樽花下
醉大涯重會嘆無由

宿武關

迢迢一騎向西遊紅葉青山駐此州惟有多情溪上
月夜深猶為照離愁

題開聖寺

花雨颺香百和濃虛堂人靜不聞鍾相逢若問空空

法雲在青天鶴在松

宿虛白堂

何人虛白築名堂一逕迢迢石髮蒼月色滿亭涼似
水思鄉無奈夜更長

晴景

樹底遊絲百尺斜陌頭楊柳亂飛花春愁一種知無
柰欲解貂裘向酒家

社日

啄黍黃鷄秋正肥野人歡嘆出柴扉賽神箇箇扶新
醉一逕閑花撲袖歸

自河西歸山

洗耳臨流避世危故山此去足栖遲洞門寂寂歸來
晚對月閑將白鹿騎

野塘

女郎歡笑採蓮來雲錦天機處處開安得身閑同載
酒紫霞香注碧筒杯

歲初喜皇甫侍御至

江頭柳眼尚窺人世態誰憐范叔貧最喜同時駘馬
客遠持旌節訪閑身

送魏十六

檐頭三尺掛桐君啼鳥聲聲隔岬聞醉裏不知人去
遠勞歌一曲動江雲

送王永

千里閩河足勝遊畫舫去去放春流推蓬一望人何
在水遠山長不盡頭

酬楊八副使赴湖南見寄

湘南出鎮羨奇材別後初登江上臺翹首暮雲天萬
里滿絨風月送詩來

逢鄭三遊山

細草鋪香尋剪茸白雲無數隔重重不堪腸斷猿啼

處一顧寒聲月在松

重贈管玲瓏兼寄樂天

勞歌一曲唱新辭雅調悠然揚動我詩別後懷人天萬
里相思最是月明時

採松花

蓬壺有客來相訪辟穀奇方著意教採盡松花千萬
箇胎仙無處可安巢

哀孟寂

玉樓應召傷今日馮塔題名憶昔年回首紅塵人事
絕數聲啼鳥落花前

患眼

年來不出病雙睛已覺層層瘴翳生今日遇醫曾差較
愈倚筇愁對夕陽明

感春

颺泊江湖萬里身傷心又見客中春一杯坐對晴窓
下昔與梅花作主人

西歸出斜谷

路入褒城日已斜客心吟處轉思家香風不斷空山
寂落盡春紅樹樹蒼

宿嘉陵驛

千里關河兩鬢秋江聲入夜更添愁何人羌笛吹明
月一曲梅花出塞樓

醉後題僧院

人間事事轉頭空醉倚長廊暮遠公安得此生同結
足白雲堆裏聽松風

經汾陽舊宅

閑門寂寂俯長河蓋世功勳逐逝波過此不勝增感
慨春風滿地落花多

十日菊

寒香一握少人知閑遍東籬錦數枝正好携壺吟賞

處不堪搖落已先衰

老圃堂

青紫成溪皆草廬兩餘長得課兒鋤柴門寂寂無人
到閑却窓前幾卷書

偶興

柳綠花紅艷艷春就中奔走困風塵誰知抱玉荆山
輩長與松筠作主人

悼亡妓

一曲悠悠舌湧泉半生歌舞度流年多情不作陽台
夢閑却銀箏十數絃

送元二使安西

貂裘醉擁拂香塵持節行行雨露新莫謂過閑年最
少如今已作棄繻人

三月晦日贈劉評事

可嘆東君留不住江湖空老百年身莫辭今夕沉沉
醉明月傷心又一春

武昌阻風

黑風吹雨阻歸舟濁浪排空水不流賴有同行詩侶
在買魚沽酒慰離愁

已亥歲

論功今見足良圖四海生靈困已蘇獨有離人開泪
眼乱来親見幾榮枯

伏翼西洞送人

寂寂閑雲掩不開玉沙洞口送君回明年二月春風
暖對酒看花可再來

題明慧上人房

長安十載看名花俗慮無端擬若麻曾似道人茅屋
下半窓雲氣濕袈裟

寄許鍊師

一鶴孤飛月滿空吹簫曾謁上清宮歸來寂寂門閑

閑人在梅花紙帳中

秋思

葉滿空堦昨夜風故園回首白雲重囊中已覺黃金
盡贏得家書一兩封

懷吳中馮秀才

西風吹動髮飄蕭回首長洲思轉遙記得去年江上
別酒盃香勸綠楊橋

念昔遊

記得當年過梵宮茗烟香送落花風于今事往成陳
跡千里相思一夢中

寄友

鳥啼花落艷陽時一種難禁別後思
正尔愁懷無處着春風搖曳酒家旗

經賈島墓

山村寂寂夕陽斜數尺荒墳重可嗟
精魄不知何處是半林香雨落松花

修史亭

曲屈危闌倚碧天此中多是貯編年
開緘儘得消餘悶何必銅山賜鑄錢

答帝丹

烟蘿回首隔紅塵半畝閑雲自在身
多少長安名利客不知清利有閑人

九日懷山東兄弟

木脫風高馮已賓客中半落向誰親
鷓原不見知何是滿日黃花即主人

葉道士山房

數椽茅屋傍溪橋跨鶴頻吹紫竹蕭
回首碧窓高卧處松風一枕送寒朝

宿昭應

天寶年間舊築壇乞靈曾此集仙官
于今臺殿無人

住宿草離離白露寒

江村即事

寂寂楓根泊釣舡。推蓬正事樂高眠。月明添得空江冷。一枕秋聲落木邊。

宮人斜

香魂落落絮沾泥。山鬼心閒不斷啼。香得多情原上樹。寒鴉猶借一枝棲。

過春秋峽

宿草開花無數新。望中疑是武陵春。玄猿莫為霜寒叫。明月扁舟有旅人。

初入諫司喜家室至

千里難來倍有光。菱花羞對鬢蒼浪。故園何日同歸去。一曲離歌泪萬行。

寄襄陽章孝標

千里尋君漢水邊。兵書一箠伴龍泉。夜深却怪松風惡。驚起遊人醉不眠。

舊宮人

飄零今日苦長悲。一曲閑情寄竹枝。縱使君王能見問。衰顏不似在宮時。

小樓

芳洲遙見草青青
悶倚闌干背畫屏
推起白雲無箇事
黃庭一卷讀殘經

宮詞

閑花無數媚春紅
悶倚危闌小院東
鳳輦不來門半掩
茶煙輕颺一絲風

祇役遇風謝湘中春色

宿雨初晴草色新
湘潭無處不逢春
天風一夜舡頭發
吹醒江湖萬里人

過勤政樓

層居百尺凌霄迥
烟霧空濛半有無
勤政不知人在否
滿堦惟見綠苔鋪

送客

長亭十里送君回
野草閑花近釣臺
此去故園春正早
好從詩侶共尋梅

靈岩寺

硯沼波澄花寂寞
屨廊秋盡柳依稀
玉顏去後知何在
惟見雲邊一鶴歸

柳枝

嫩綠絲絲拂渭城
舞風含露到屯營
數枝相對君休折
留與明朝送客行

自遣

黃金用盡覺囊空
眼底繁華只似風
過酒直須拚一醉
不妨甘作白頭翁

華陽巾

竹樓記內仰高名
雲頂飄蕭若鳳翎
最喜蒙塵風不墮
從教兩鬢日星星

秋色

颯颯西風吹不消
山村一望思迢迢
無端更逐寒烟起
衰草殘花滿市朝

酬李穆

詩酒足生涯
千里一思君
意轉賒何日
重來問話
高不妨吟
咲野人家

休日訪人不遇

尋君此日暫偷閑
洞口迢迢去不還
隔斷罌塵無一事
白雲紅葉滿溪山

湘江夜汎

欲挽扶桑掛我弓
書一紙泛泛月明中
君山望斷青如髮
千里關河一夕風

贈侯山人

溪山高卧不求聞
流水開門舊隱君
啼鳥數聲清晝

永一爐丹火隔松雲

寫情

千里關河去路悠愁腸獨抱幾時休裏情欲訴無人
會閑倚闌干月滿樓

竹枝詞

上露垂垂恨未消家山欲去動征撓別來無限相思
意化作秋聲度小橋

聽舊宮人穆氏歌

朱唇皓齒舌翻河舊是霓裳一曲歌鳳輦不來人寂
靜古宮秋冷月明多

訪隱者不遇

寂寂煙嵐翠欲流松花滿地有誰收採芝何處歸來
晚閑殺山中草木秋

重過文上人院

關河秋早下孤鴻此日重來扣贊公牽起葛藤閑話
處月明如水性空空

題鶴林寺

一徑捫蘿古木間梵王樓閣倚青山紅塵不到栖禪
地萬境空空水月閑

宮詞

莫聽宮前水亂流寒聲一枕送新愁繁華不久人間
住明日相逢又白頭

將赴吳興登樂遊原

欲寫離懷愧未能半生牢落類閑僧樂遊原上開登
眺宿草寒煙共五陵

鄭璿協律

踈散襟期類鄭虔筆床茶竈載歸舡江湖一任翩翩
去詩酒陶情在暮年

贈魏三十七

亭亭玉質斷纖瑕經史留心富五車莫謂廣寒秋色

遠一枝要折月中花

湘妃廟

荒祠寂寂面重湖斑竹叢深泪眼枯日暮寒汀秋色
遠一雙鷓鴣傍菰蒲

秋日過員太祝林園

瀟灑園亭暮雨餘迢迢一迳入幽居自然身逐容臺
上無復寒燈夜讀書

長安作

香塵雨澁百花明小隊嬉春出郭行堪嘆幾多車馬
客往來奔走亦浮名

奉誠園聞笛

萋萋芳草嫩鋪茵綠淨元無半點塵
菴管一聲山月落此中應有斷腸人

冬夜寓懷寄王翰林

九節亭亭瘦竹枝老懷無事只耽詩
夜來添得梅梢月一枕思君不寐時

焚書坑

研谷瓜生總是虜幾人去去欲安居
誰知竟觸嬴秦怒一火燒殘列聖書

赤壁

當年勝敗已沉銷惟見江流入海朝
幾欲凌空飛馬去月明無處覓王喬

秦淮

寒汀漠漠暗風沙四火樓臺十萬家
為問六朝何處是杜鵑啼落墓陵花

漢宮

迢迢一逕入縈迴漢武當年舊築臺
歲晚不堪經此過滿空飛雪散銀盃

賈生

天涯流落一孤臣文采如君世罕論
指日漢廷承詔

去不須吟吊為傷神

集靈臺

三姨承詔荷君恩
唐室世世茲禍有門到
得漁陽鞀鼓動諫臣都死
諛臣尊

遊嘉陵後漢

獨携短策訪遺蹤
怪石橫波日撞春
閑殺山中雲片片
幾迴天際欲從龍

山店

幾家寂寂依山住
一犬嗷嗷隔岸聞
烟火望中人不見
半窓晴日照溪雲

常處士却居

半窓暝色山頭樹
一枕寒聲屋外泉
最愛晚來清可翫
亂鴉飛處隔秋烟

江南

纖纖亂白花開盡
點點輕黃柳發初
無數歸鴻江上過
一封恐有寄來書

旅夕

囊裏黃金先用世
鬢邊華髮已非鴉
客中無禁思鄉處
一枕寒更月上花

金陵晚眺

香齋詩集卷之四
烟迷浦口村村色朝起江頭岸岸聲日暮酒醒閑眺
處畫圖一幅自天成

春

閑花深恨空罾滿細草辜情去踏遙好整扁舟因載
酒半溪春水凍初消

過鄭山人所居

矮矮茅堂小小園暖雲如粉類仙源紅塵隔斷無人
到流水桃花靜掩門

寒食記上

蕭蕭風雨又殘春濃酒無由醉葛巾可恨流英啼不

斷一聲教似訴行人

與從弟同下第出關

行行携手共牽裳失意初離翰墨場明日家山看漸
近淡烟芳草幾斜陽

拗體七言絕句

旅望

望中何處是京師
芳草萋萋春暮時
數聲聽得南村
笛一曲梅花怨阿誰

滁州西澗

惡竹箇箇滿地生
餓鳥啞啞耳邊鳴
寂寞閑居日欲
晚憑闌一嘯白雲橫

酬張繼

迢迢驛路花正殘
暮雲重疊迷鄉關
故人千里不可
見何日溪山共往還

河邊枯木

枝乾葉朽半無根
萬蟻攢心穴尚存
舟人見此為嘆
息
樵斧斫邊尚有痕

柳州二月

飜泊南荒易慘懷
滿庭芳草綠烟迷
杜宇不知人思
苦
數聲時向耳邊啼

贈楊練師

香烟半縷一函經
焦桐自理無人聽
有時不見何所
去
環珮珊珊上紫冥

題齊安城樓

百雉城頭帝鳥聲
黃蘆滿日迷沙汀
坡仙不作今已
久
赤壁惟見一芳亭

側體七言絕句

營州歌

黃沙漠漠雲滿野
旋開毡帳陰山下
胡兒射殺獲白
狼
秋草原頭慣馳馬

山家

路入空山勞遠涉
一溪秋水浮殘葉
寒烟窸窣不見
人
葺花滿地飛蝴蝶

夏晝偶作

薰風吹熟床頭酒
竹間晝靜開南牖
隔窓忽聽咲聲
繁
童子相呼春菜白

步虛詞

道人迹跡不求職長舄凌空一兩隻
昨宵聽得風雷驚天上六丁來取易

君山

君山樹色愁中老山下春泥生百草
回頭一望湘雲空水遠山長連鳥道

綉嶺宮

楊柳條條弄新綠梨花滿地顏如玉
誰知鼙鼓動地來都在霓裳羽衣曲

詩餘

喜遷登賀劉廷琮太守榮遷大叅

斯文彙傑喜新荷君恩榮叅方伯憶自刑曹喬遷
大理又見黃堂做出許多善政驚倒嵩山伊闕好太
守清如止水明如秋月奇絕紅旗鬧春隨彩帳百
姓財當車輒感德諸生協恭僚友安樂亭西拜別但
願早承宣召莫恨陽關三疊還朝日看經天緯地
臯夔稷契

滿庭芳送太守李公考績

一郡神明萬家父母早聞旌異循良陽春有脚到處

舟 上勤宵旰之憂命廷臣擇忠選俊傑爭薦賢侯
真箇是鳳棲枳棘蛟隱吳鉤 試展拿雲手段談咲
障飛流指日功收花簇烏紗春園彩幣酒香薰透貂
裘更黎陽父老領兒童齊擁驂騑沸歌謳喚回衛水
驚倒浮丘

滿庭芳賀舉人李器之

溪澤鍾靈倉山孕秀天教產此英才少年學富鄉選
舉場開五色筆頭雲錦駕長風掃盡塵埃平步上廣
寒宮裡折得桂花來 看賓朋歡慶詞填彩帳酒泛
金杯願言黃榜早占文魁正是魚龍變化趨桃花浪

煖春回得意處萬人洗耳齊聽一聲雷

沁園春送趙掌教先生廣西主考

廣右開科遠勞使者未聘先生看燈下朱衣卷中白
雪寸心公道兩眼光明社牧當魁劉幾可點山斗尊
崇在此行好男子擬登春榜允協文衡 故人莫問
歸程且倚銀瓶酒滿傾正水漲雲深日長天闊槐花
兩霽楊柳風清小隊紅旗新詞彩帳燕雀驚飛鼓角
聲郵亭上放勤把袂不為離情

木蘭花慢贈許先生九載榮滿

愛先生學行更瀟灑好襟懷似萬壑層冰九秋孤月

絕點塵埃坐擁衆比講易藹菁莪之化育英才泮水
久沉奎壁廣文今上蓬萊喬遷賢路正初闢筆底
起風雷或新藻菁堂絃歌花縣步武烏臺總是吾儒
能事諒蒼天公道有安排離思征帆北去佳音歸鴈
南來

浪淘沙八首

山市近山城微雨初晴曉來嵐氣撲天清道是似烟
烟又重似霧還輕莫恠不分明望眼花生碧紗籠
裏有人行說與王維難着筆空翠無聲

右山市晴嵐

江上白雲寒流水潺潺漁翁家住蓼花灣到老不知
城府路無事相閑落日半啣山倦鳥知還淡紅斜
影畫圖間收拾綸竿沽一醉真箇清閑

右漁村落照

雲暗楚天遙萬木瀟瀟朔風剪水六花颺畫角聲寒
吹不散一片瓊瑤壓損鴈稍凍倒漁樵月明無影
玉生苗却恐飛來獲髮上白了難銷

右江天暮雪

烟鎖梵王宮隱隱疎鍾一聲遙在月明中惱殺啼鳥
畱不住付與東風過耳總成空何事匆匆少年催

做白頭翁今古相催敲不盡此恨無窮

右烟寺曉鍾

無地着烟霞漠漠平沙幾行征雁晚風斜
馬破一天秋意思飛過漁家切莫近蕪葭
莫宿蘆花好來此處樂生涯勝似夜寒遠
塞上鷲起胡笳

右平沙落鴈

遠水接天浮渺渺扁舟去時花雨送春愁
今日歸來黃葉開又是深秋聚散兩悠悠
白了人頭片帆飛影下中流載得古今多少恨
都付沙鷗

右遠浦歸帆

落日大江橫水濶雲平誰知雲水總無情
蒼地釀成秋夜雨滴盡殘更點點打窓聲
紙帳寒生芭蕉葉上最淒情多少離人眠
不得坐到天明

右瀟湘夜雨

霜落洞庭秋天闌雲收影擡孤月翠光流
何處仙人吹鐵笛黃鶴樓頭不洗古今愁
只管清幽琉璃盤裏水晶透照見君山三萬丈
便是瀛洲

右洞庭秋月

瀟湘芳題三篇圖

冰玉高標水雲間趣相親惟許沙鷗短蒲殘
葦風葉

晚颺颺一箇夢迴漁浦一箇聲斷楚人秋一箇低橫
雪羽飛下滄州 此是三思微意要人賞鑑到識破
方休別有筆端造化不知多少清幽畫兩箇再斯可
矣 雙影照寒流

蒲庭芳題四詩人騎驢圖

供奉才華謫仙風度騎驢何以騎鯨華陰縣令不識
是先生曾在沉香亭畔墨淋漓醉寫清平君恩重脫
靴捧硯拭吐與調羹 俯仰少陵知己暮雲春樹多
少離情記百年酒聖千載詩名畢竟夜郎路遠絕勝
蜀道難行傷心處屋梁月落死別香聲

右李太白

蓆帽長簷布袍寬袖穩騎驢背如舡軟泥香逐行到
畫橋邊拍岸小溪春水暖溶溶流過前川好風景鶯
簧蝶拍花柳共爭妍 九十光陰幾許典衣沽酒醉
裏吟鞭莫道先生落魄此中天趣悠然歸路晚草堂
何處一縷孤烟

右杜少陵

淑氣催鶯啞送鴈賞心節序相宜先生何苦偏向
盛寒時瘦骨兩山高聳不知負多少新詩比風緊凍
雲低結萬木吼聲悲 一任雪花如手塞驢背上吟

哩囉囉哩囉這清閑誰似我知心好友只三箇清風
是我大哥明月是我二哥老夫便是三哥哥囉哩囉
光陰似箭不飲待如何

又

哩囉囉哩噠嘆人生真可憐光陰迅速疾如箭富貴
在天聽其自然一年過了又一年囉哩噠眼前好景
終日家醉如綿

又

呵哈哈呵喏嘆青春不再來人生一衣祿隨時在雙鬢
又漸白不覺的老來功名富貴誰不愛哈哈喏把眉
頭舒展得寬懷處且寬懷

贊

太守像

此郢城太守小像也松栢之姿珪璋之儀敬頌以辭
用寫吾私周公曰平易近民民必歸之孔子曰節用
愛人使民以時賢哉太守周孔是師化行俗美盡在
于斯彼有牧司任數好奇視吾太守盍亦自思噫古
之循良不可得而見矣今之循良非太守而誰此吾
所以知太守者至於畫品工拙吾則莫能知

王希古像

如此乎率神如快乎氣宇望而知之歷歷可數斯人也鍾匡山之英家衛溪之澣讀四聖之書續三槐之譜早除峨松晚歸學圃素侯之父黃門之祖號曰質菴字曰希古

駱太守秀才像

彼美君子清如水玉氣象從容儒冠儒服不農工商有書可讀噫我知之矣蓋將以干祿君子曰非也吾欲他日致君為堯舜俾蒼生享太平之福

舉人像

形癯而清神和而暢吾道中人似誰亦像有縉紳先生顧而笑曰是諸暨駱蘊良胡為在此以上往年泮水讀書那等模樣今年鄉榜題名這等亦必待明年對策彤庭又不知何等器量任丹青塗以杯皮之膚画不出經綸勾當

進士像

申如是履如是笏如是以為有官邪不甚似以為無官邪也甚異伊何人斯乃新進士蓋將是瓊林走馬看花時意思君子出身之階第一故事到此地位學優則仕學不在多忠義二字

待漏像

身之文章衣之禮樂百官威儀一代制作君子稱德
故無愧怍咨爾畫師意將何若儻禮廢而不行祭儀
殊而不着此必大慶會時待漏乎式畫師曰諾

祭文

祭王都憲克深

名潛

嗚呼克深其亡之矣名者美器造化所忌人之君子
天之小人其果然乎忠厚之德剛正之氣世可誣乎
宏博之學濟世之才果盡履乎身雖云亡藪華之在
天下德澤之在人心果可泯乎一人哀之果可哀乎
衆人哀之果可不哀乎知我者克深也臨風一號有
淚如雨九泉悠悠克深尚有知乎

祭姊王氏盛母

於惟女兄性端而慧古希之前所天見昔教育子孫

八十二歲全歿始終永言長逝泪不盡哀薄陳菲祭
用鑒微誠靈斯不昧

刻襄敏王公文集跋

萬曆甲申

侍御赫公奉

命按蜀越明年春正月直指戎州事

竣出襄敏公文若干顧

叅藩王公曰此吾鄉先達王太
傅集也王公家亦藏太傅集二



冊恐散逸不傳請纂緝以壽諸
梓爰命元董其事元自髫髻時
已聞濟有襄敏公為昭代名世
人傑也心竊謂襄敏已往醞數
十年詎不有襄敏人者出而為
社稷託哉而茲之值我二公又
值二公之雅重襄敏文也則予

疇昔私計若符合然誠異之也
按襄敏公姿表竒邁胸次磊落
初亦巡巴蜀繼提兵上谷榆林
諸塞文武兼資威名赫奕其籌
邊靖虜諸偉畧未易指數今讀
其所為文雄邁跌宕灑灑數百
言若不屑意者嗟嗟握瑾者懷

私履顛者詫險公樹茂勲竟遭
萋菲而徜徉閑適澹然自如曾
無嘖嘖顧戀聲誦公之文想見
其人若公者即古韓范獨不讓
步哉輓近世競靡麗者徃徃著
一雕虫以自暴著具法眼者厭
之至欲付之祖龍之火何以故

文章功業相為楊襲負輜持細
投艱試事一籌莫展脫有鼓舌
直聃拊鼓拍附贅懸疣等耳公
之詩若文發于性靈見于事功
近駕李白而遠逼秦漢蔚然載
道言志之遺豈徒以文為者儔
抑昔王文恪公曰世昌紅藍池

取勝本兵家奇術崔文敏公曰
少聞世昌文武大畧及脩
太陵實錄得見

史知其墓上功甚偉嗚呼王公表
其奇崔公闡其偉茲獲二公永
其博則襄教撤揭大業益得藉
之以垂不朽若功在社稷紀諸

史冊者炳炳琅琅

聖天子方顯忠遂良優錄勲舊旦暮
且有

綸音下以復威寧爵土而章顯之矣
公之不朽者豈直立言之緒餘
已耶元也寡陋無能作燕然之
銘以揚公芳美直述其大都若

卷之三

此謹跋



